



Centrale Bank van Curaçao en Sint Maarten

Fact sheet

Willemstad, 2020

Produkto interno Bruto (PIB)

Produkto Interno Bruto (PIB) ta e balor total, na sèn, di tur produkto i servisio produsí den un pais durante un periodo spesífiko (generalmente un aña).

PIB ta un indikadó importante di desaroyo ekonómiko di un pais.

Tin tres diferente método pa kalkulá PIB:

- **Método di gastu:**
PIB ta e suma di tur gastu di konsumidó, invershon, gastu di gobièrnu i eksportashon neto (esta, balor total d eksportashon despues di kita afó e balor total di importashon).
- **Método ophetivo (esta, produkshon):**
PIB ta e total di balor agregá den tur sektor di ekonomia. Balor agregá ta e balor total di tur produkto i servisio produsí, despues di kita afó e balor di tur loke a usa pa produsí esakinan.
- **Método suphetivo:**
PIB ta e suma di tur entrada primario den un pais. Entrada primario ta enserá suèldu, hür i lease, interes i ganashi.

Ta papia di PIB nominal i PIB real. Ta kalkulá PIB nominal a base di e preisnan ku ta konta den e periodo ku ta hasi e midishon. Pa kalkulá e PIB real, ta koregí e PIB nominal pa kompensá e efekto di inflashon (esta, oumento di preis). PIB real ta un mihó indikadó di prestashon ekonómiko den un pais, pasobra PIB real ta tene kuenta ku kambio di preis di produkto i servisio, o sea, kambio den forsa di kompra.

Ora PIB subi den un aña kompará ku e aña promé, tin kresementu ekonómiko. Di otro banda, si PIB baha, tin un kontrakshon.

Ehèmpel:

Na 2017, PIB nominal di Pais X tabata Naf. 5,0 miar i na 2018 el a subi te na Naf. 5,2 miar. Esei ta nifiká ku na 2018, e PIB nominal a subi ku 4% kompará ku 2017. P'esei, por bisa ku tabatin un kresementu nominal di PIB na 2018.

Sin embargo, si tene kuenta ku inflashon, e ora ey e PIB real di Pais X na 2017 lo tabata Naf.4,9 miar i na 2018 Naf.4.9 miar (den preis di 2010). Den e kaso aki e PIB real lo a baha ku 1%. Pues den e kaso aki tabatin un kontrakshon ekonómiko real.



Centrale Bank van Curaçao en Sint Maarten

CBCS ta kalkulá kresementu real di ekonomia di Kòrsou i Sint Maarten pa kuartal i pa aña. E sifranan akí ta sali publiká den e Quarterly Bulletin i e Annual Report di Banko Sentral.